

臨湘山志卷之六目錄

碑誌

陶真人廟碑記 李光寶

陶公廟碑 吳大澂

臨湘山修石剝岸碑記 曹惠

重建臨湘山廟前古樓碑記 黃昌年

重建古樓捐冊序 黃贊華

附錄

臨湘山志

卷之六目錄

參觀臨湘山右瀕河上下剝岸記 薛紹尼

臨湘山志卷之六

碑誌

陶公真人廟碑記

真人名淡字處靜晉隱君子也隱非僊而稱僊者何神乃形也僊無形而住形者何形乃神也志載公好道結廬長沙臨湘山馴白鶴三白鹿一卒率姪辟穀湘陰白鶴洞夫子弟與偕飛走與狎豈曾絕物駭俗哉當晉室兆亂銅駝荆棘朝士相率掛冠至草澤俊民沿東京激詭之氣遁爲清談清談既悔而幽巖孤特輩遂蹈長生退著是皆

臨湘山志

卷之六碑誌

一 鴻章印刷廠印

大不得於君臣朋友間其時太尉侃開府湘城公挈丹鼎而息城東之槩梨市臨湘山中一顯一晦各行其是陶氏信多達人在深於幾者則灑然不以彼易此也公亦雄傑矣哉志又曰公少孤精研易卜理其遭稽其志斯足印所學云

後學李光寶謹撰

陶公廟碑

自古聖賢窮則獨善其身達則兼善天下有功德於天下者天下之人景仰之有功德於一鄉一邑者一鄉一邑之人敬禮之生而爲人

死而爲神俎豆千秋流澤百氏此大丈夫得志於時者之所爲也至
不得志而遁跡山林與麋鹿友求導引之術精修煉之方似獨善其
身而無志於人世者然而道濟天下之心不以爲達異不以生死間
聖賢此志仙佛亦此志或修德於數千百年之前著靈於數千百年
之後其顯晦之有時與抑亦有幸不幸與志稱陶公諱淡太尉侃
之孫少孤好道餐靈草辟穀研究易卜結廬長沙臨湘山一白鹿三
白鶴常侍左右與姪烜煉形尸解遺蛻俱存今槩梨市廟建自梁天
監中大旱水災祈禱輒應咸豐同治間敕封公孚佑昭顯真人並封

臨湘山志

卷之六碑誌

二 鴻章印刷廠印

公之姪福佑靈應真人光緒乙未四月天久不雨鄉民皇皇慮旱魃
之爲災乃迎公之像供奉於長沙城隍廟不數日大雨三晝夜秧田
得資灌溉士民感公之澤恭送神像還山不下數千人自五月至閏
月旱益甚渠塘水涸苗將槁矣大激躬赴槩梨恭奉公與公之姪之
像復迎至城率司道文武潔誠祈禱粵丁巳甘雨始降庚申大雨翌
日復雨湘之士民欣欣然有喜色爰謀擇地建廟於城中妥公之神
以抒報饗之誠禮也余謂公以名臣之孫辭榮耽寂若不得已而爲
之者名在晉史隱逸傳知之者鮮矣乃功德之及民在千五百年之

後禦災捍患如響斯應知公之聰明正直有霖雨蒼生之志鬱之一
時而發之千載故與湘人有香火之緣抑由湘之士民敬公墓公至
誠之所積有以感召之與余以德薄運蹇不能爲民請命幸公之靈
默佑而保護之宜與士民同申其寅感焉謹爲之記而泐之石以詔
來者

湖南巡撫吳大澂謹撰

臨湘山修石砌岸碑記

中華民國六年議修石砌岸長沙黃厚澤胡士傑陳聯笙王佩璋蔡

臨湘山志

卷之六碑誌

三 鴻章印刷廠印

正元黃厚濤徐月盈等實董其役功經數歲積洋八千餘元勸募誠
不易矣臨湘山本晉陶隱君與其從子得道處多歷歲時頰骨不腐
里人驚以爲神黃君等以報神之故厓得集事往來者亦以神之靈
得不顛越天下事作如是觀凡斷斷纖忽之界致令事物頽廢不舉
者小丈夫也刻石題名用張大惠

長沙曹 惠敬撰

重建臨湘山廟前古樓碑記

瓊樓玉宇本來清靜之鄉葆蓋花幢頃刻繁華之夢劫塵無着色相

皆空然而南曲新詞幾於下里西崑別調亦曰中聲雅鄭交譏貞淫
間作蓋優伶之始有三百篇遺悒焉梵刹彌天管絃騫地崇臺傑構
踵事增華遷流迨今運會使然哉東晉鄱陽陶太尉之孫曾議襲封
者諱淡其事蹟具於晉書隱逸傳及歷代郡縣志憚於貴盛脫屣簪
笏與其姪烜修道於長沙之臨湘山其初層巘孤峻異草蒙茸灑然
一小洞天也千百年遺蛻如生仙踪頓顯殆當趙宋之前故朱考亭
嘗匾其處所謂以入世之冥觀追先人之弘濟者歟廟前故有樓以
慶節留傳或功德迎賽徵集鞠部條暢堙鬱流通滯積人皆便之鼎

臨湘山志

卷之六碑誌

四 鴻章印刷廠印

革以來榱題蘚蝕禾桷蠹穿於是黃君厚濤等建議重修詢謀咸協
乃以是年夏假而栽經始子來秋成而落增其式廓恆沙有數佛盃
既盈願力斯宣揭瘞難沒以紀實也非近名也特述始末以爲之記

清翰林院檢討歷任都察院御史調署河南
天津等府知府保舉三品頂戴在任候補道

長沙黃昌年蛻芥謹撰

重修古樓捐册序

祭法稱古先王之制祭祀也法施於民則祀之其次則死勤事勞定
國其次則禦大菑捍大患非是類者不在祀典此制我國相沿最久
故凡古來忠臣烈士以及畸行高節可以感人於隱微聃蠶於玄漠

者靡不廟貌千秋以時修其祀事此固由於國人不忘崇德報功之至意要亦因神之昭示者有以欣動於不覺也長沙東鄉梨梨市所祀陶公淡與其姪烜晉時高行人也修美門安期之術得道於梨梨附近臨湘山後遂廟食於茲迄今千有餘載前清咸同間曾加孚佑昭顯真人福佑靈應真人封號載在禮官祀典而鄉人之崇奉者備致懇誠凡遇有水旱疾疫等大菑患輒禱焉而神之靈顯聿昭亦有求而必應此所謂功德在人允宜百世祀者也廟宇之修相傳始自梁天監中歷朝屢加修葺現雖黝堊無華而扮撩堅致尙足以嚴裸

臨湘山志

卷之六碑記

五 鴻章印刷廠印

獻之禮惟殿前戲樓一所以年深月遠日炙風飄漸有節稅摧頽楹棟枉撓之患鄉之人欲從事修理則迫於工程浩大所費不資非有大力者提而挈之斷難睹革新之效是用縷陳端委深望逖聽諸公依遵崇明祀之本衷發扶整阨危之至願一唱百和雲集景從俾能樓閣一新不失舊物則將來睹承平之歌舞胥不忘鼎力之維持至因之善者其果必良在諸公福不唐捐更無俟多勞喋喋矣是爲引

黃贊華子久敬撰

民國二十二年癸酉歲秋月泐石

[附錄]

參觀臨湘山右瀕河上下砌岸記

臨湘山位瀏河之北攬梨江之勝山右舊有古塹直長六十餘丈全部瀕河流水齧岸者由來久矣每遇山洪暴漲風濤相搏浪湧土崩大有犬牙相錯之勢昔人不克建築石岸作爲屏障又不克量其財力分段圖功後世耻之山上歷有古刹崇祀晉陶公淡叔姪二真人余於民國二十五年丙子秋登山祝壽快觀仙蹟旣而徘徊河畔游客如雲清風徐來水波不興緩步向前瞥見上段屹

臨湘山志

卷之六附錄

一 鴻章印刷廠印

然壁立者乃昔年創修之砌岸也基礎鞏固部署整齊知其間必大有人在越四年重遊此地適逢下段砌岸繼續垂成噫果誰之力哉當地耆老告余曰是二役也由前言之則公推黃君伯元董其成由後言之則公舉其弟仲元負其責也初事方草創建設維艱賴有士紳黃德溥黃達雲鄧華亭王道腴等踴躍提倡掬誠襄贊以故事無不濟謀無不臧雖該伯仲見義勇爲若非大眾努力從公曷克臻此試詳誌之夫黃氏伯仲隱於商素知臨湘山右適當瀏水之衝須修砌岸以廻護之惟直徑過長需款甚鉅人每熟

視之若無覩焉民國初伯建議主張分段興修先營其上質之於衆全體贊成於是分途勸捐募集款項伯與仲約衆計議擇人承包監督指揮不辭勞怨其課工也藝取其精其選石也質求其固此外若培基若闢土靡不以匠心默運之計自民國七年經始越五稔落成之匪異人任也該伯仲勤慎將事惟恐隕越以貽羞民十六潮流變遷突以清算賬目相號召大肆威脅當即和盤托出經衆澈查心乃大白不二年伯去世鄉里銜哀天之報施善人顧如是耶當伯彌留時猶以有志未逮殷殷然屬望於仲仲亦心知

臨湘山志

卷之五附錄

二 鴻章印刷廠印

其意雅不願諉責於人善量無窮擴充爲貴衆皆拭目俟之矣乃時逾一紀舊事重提伯雖不存仲尤自勉歲戊寅隱憶下段砌岸屬臨湘山之重心不修恆有山崩地裂之慮是春體兄遺意慨然以續修爲己任謀於衆僉曰可暫將修志捐款移作砌岸用途一切工程類多摹倣上段而縝密殆又過之籌畫精詳佈直妥善鳩工舉事壘石成牆橫納長條逐層牽引於中密穿亂石防其傾圮厚覆三砂制其欹斜迨庚辰冬大功告竣經費不足願解私囊以補之人頌其功以視委靡不振玩忽公益者其於爲人賢不肖何

如也尼聞其言而壯之且因以有感焉夫建大業樹大功古今人非不相及也而卒不果者類皆藉公牟利或有初鮮終之念誤之也若黃氏伯仲者親爲同體名著二難莫爲之前雖美而弗彰莫爲之後雖盛而弗傳義舉畢成同培善果豈不懿歟仲常語人曰吾兄往矣仲之所以樂此不疲者深感地境士紳之熱心毅力相與有成也其敢貪人之功以爲己功乎由此觀之功不自居非徒顧及目前而其見亦甚遠矣所惜者伯元君早傷無祿雲樹空懷其弟仲元亦素昧生平鄉居各別晚年相見於黃紳德溥之私邸

臨湘山志

卷之五附錄

三

鴻章印刷廠印

性情契合宛若舊交快然自足均不知老之將至嗣後因公蒞市恆下榻於其家流連不忍去暇時詢及兩度倡修剝岸事輒慨乎其言之按諸近日所聞輿論不啻若自其口出成功之日尼曾親履其地切實攷察益信耳食之非虛而其事蹟愈不可沒自今以往希望始基勿壞毋廢前功則庶幾矣茲喜游觀之不偶也爰將當日見聞所及擲管記之並質之當地耆老或不訾吾言否

民國二十九年庚辰冬十一月

長沙薛紹尼撰